

Arkiv: <arkivID><jplID> FE-140, FA-U01
JournalpostID:
Sakshandsamar:
Dato: 19.04.2023

Saksframlegg

Saksnr.	Utval	Møtedato
012/23	Utval for næringsutvikling og drift	26.04.2023
059/23	Alver kommunestyre	11.05.2023

Strategisk næringsplan for Alver kommune - endeleg handsaming

Kommunedirektøren sitt framlegg til vedtak:

Alver kommunestyre vedtar strategisk næringsplan 2023 – 2035, med handlingsprogram for 2023 – 2024, slik den blir lagt fram i saka.

Utval for næringsutvikling og drift 26.04.2023:

Handsaming:

Utvalsleiar Stian Lavik-KRF sette fram følgjande framlegg til innstilling:

Utvalet sluttar seg til kommunedirektøren si innstilling til høyringsuttalane til strategisk næringsplan, med følgjande endringar:

Under punkt 3.2 strategiske grep (side 13 og 14): “Tilgang til investorkapital” blir endra til “Tilgang til investorkapital for oppstarts- og vekstbedrifter”.

Handlingsplan under innsatsområde “Velkommen til attraktive Alver!”, pkt. 4.2.2: Det blir lagt tilleggstekst i tiltaket om innkjøpsstrategi: I samband med økonomiplanprosessen må kommunen auke kapasiteten på innkjøpsområdet, slik at kommunen kan følgje opp måla og strategiane rundt samarbeid med lokalt næringsliv.

Utvalet vedtok samrøystes S. Lavik sitt framlegg til innstilling sett fram i møtet.

ND- 012/23 Vedtak:

Utvalet sluttar seg til kommunedirektøren si innstilling til høyringsuttalane til Strategisk næringsplan, med følgjande endringar:

- Under punkt 3.2 strategiske grep (side 13 og 14): “Tilgang til investorkapital” blir endra til “Tilgang til investorkapital for oppstarts- og vekstbedrifter”.

- Handlingsplan under innsatsområde “Velkommen til attraktive Alver!”, pkt. 4.2.2: Det blir lagt tilleggstekst i tiltaket om innkjøpsstrategi: I samband med økonomiplan-prosessen må kommunen auke kapasiteten på innkjøpsområdet, slik at kommunen kan følgje opp måla og strategiane rundt samarbeid med lokalt næringsliv.

Alver kommunestyre 11.05.2023:

Handsaming:

Orientering ved rådgjevar næring, Tove Hagenes.
Innstillinga frå utval for næringsutvikling og drift vart samrøystes vedteke.

KO- 059/23 Vedtak:

Alver kommunestyre vedtar strategisk næringsplan 2023 – 2035, med handlingsprogram for 2023 – 2024, med følgjande endringar:

- Under punkt 3.2 strategiske grep (side 13 og 14): “Tilgang til investorkapital” blir endra til “Tilgang til investorkapital for oppstarts- og vekstbedrifter”.

- Handlingsplan under innsatsområde “Velkommen til attraktive Alver!”, pkt. 4.2.2: Det blir lagt tilleggstekst i tiltaket om innkjøpsstrategi: I samband med økonomiplan-prosessen må kommunen auka kapasiteten på innkjøpsområdet, slik at kommunen kan følgje opp måla og strategiane rundt samarbeid med lokalt næringsliv.

Politisk handsaming

Saka skal til innstilling i utval for næringsutvikling og drift 26. april
Saka skal avgjerast i kommunestyret 11. mai

Saksopplysningar

Bakgrunn:

Utval for næringsutvikling og drift vedtok 09.02.22 mandat for prosessen med strategisk næringsplan. Hovudmål med prosessen er å utarbeide og vedta ein strategisk næringsplan som følgjer opp ambisjonane i kommuneplanen. Strategisk næringsplan skal byggje på visjon, mål og strategiar frå samfunnsdelen, og konkretisere hovudmålet som seier at Alver kommune har eit berekraftig næringsliv med Mongstad som landets fremste industriklynge. Planen byggjer også på eit breidt kunnskapsgrunnlag som er utarbeidd gjennom ulike overordna planar, strategiar og analyser, mellom anna regional plan for innovasjon og næringsutvikling, Grøn region vestlandsportefølje, regional næringsstrategi i Nordhordland, Vestlandsscenarioene og scenarioanalyse Nordhordland.

Strategisk næringsplan er definert som ein temaplan, og vil vere den første næringsplanen for Alver kommune. Gjennom strategisk næringsplan vil kommunen presentere potensial og moglegheiter for ønska næringsutvikling. Planen skal tydeleggjere næringspolitikken og gje ei retning for det kommunale næringsarbeidet dei neste 12 åra.

Oversikt over aktørar som har bidratt i prosessen:

- Styringsgruppe: politisk utval for næringsutvikling og drift
 - Referansegruppe: Nordhordland Næringslag,
- Industriutvikling Vest AS og Klar Bedrift
- Innspelsmøter med ulike bransjar i næringslivet: industri, landbruk, havbruk, handel og service, reiseliv og kulturnæring
 - Region Nordhordland IKS
- Vestland fylkeskommune, ved avdeling for innovasjon og næringsutvikling

Oversikt over kunnskapsgrunnlag, analyser og relevante dokument:

- Kommuneplanen sin samfunnsdel
- Scenarioanalyse Nordhordland 2021, EY
- Vestlandsscenarioene Rapport 2020, EY

- Regional plan for innovasjon og næringsutvikling, Vestland fylkeskommune
- Regional plan for innovasjon og næringsutvikling, Vestland fylkeskommune, handlingsprogram og årsplan
- Grøn region Bergensregionen, EY
- Regionrådets regionale næringsstrategi
- Statusrapport for Greenspot Mongstad, EY
- Smart spesialisering som metode for regional næringsutvikling, Regjeringa
- Lærdommar frå gode vertskommunar for næringsutvikling 2021, KS
- Overordna kommunale planar: kommuneplanen sin arealdel, andre områdeplanar, arealplanar og relevante fagplanar

Høyringsprosess

Planen vart lagt ut på høyring i perioden 7. desember 2022 til 20. februar 2023. Det har kome inn 15 innspel til planen. I høyringsperioden inviterte kommunen til frukostmøte for næringslivet i Alver. Her vart forslag til næringsplanen presentert og næringslivet vart oppmuntra til å kome med innspel. Innspela vart presentert for styringsgruppa 15. mars 2023.

Vurdering:

Kommunedirektøren vil i hovudsak presentere kvart enkelt av dei 15 innspela og kome med ei vurdering. Det vil også bli lagt inn framlegg til endringar der det er aktuelt. Til slutt i saka vil kommunedirektøren summere opp alle framlegg til endringar.

Vurdering av høyringsinnspel:

Innspel 1	Vestland fylkeskommune
Hovudtrekk i innspel	Mongstad-området er eit viktig næringsområde frå ein regional ståstad. Her er det ein del område sett av til næring i overordna plan som ikkje er ferdig regulerte. Her kan kommunen gjerne vere i forkant av førespurnader frå næringsaktørar, som vil sikre framdrift og føreseie. Tidlegare Meland kommune i Alver har jobba med utviklingsprosjekt knytt til arbeid og integrering, med økonomisk støtte frå mellom anna Vestland fylkeskommune (Sosialt entreprenørskap, «Krydderdamene», Grundersporet). Dette sluttar opp om regionale målsettingar knytt til innovative og inkluderande samfunn. Vi oppmodar kommunen til å sjå om det er læring og erfaringar her som ein kan byggje vidare på i næringsplanen.
Kommunedirektøren si vurdering	Kommunen har hatt tett dialog med Vestland Fylkeskommune gjennom heile planprosess. Hausten 2022 kom fylkeskommunen med innspel på foreløpig utkast til planen. Mange av desse innspela blei tatt med i det som blei lagt inn i høyringsutkastet. Fylkeskommunen har derfor laga ei relativt kort tilbakemelding til sjølve høyringsutkastet, som i stor grad omhandlar arbeid og inkludering. Arbeid og integrering er absolutt eit område der kommunen bør jobbe målretta, men det vil vere naturleg at andre fagområde, saman med næring, følgjer opp dette, til dømes Flyktningtenesta. Kommunedirektør rår til at det ikkje blir lagt inn eit konkret tiltak i næringsplanen i denne omgang, men at tema blir beskrive under tema "Målretta

	kompetanseutvikling”.
Framlegg til endring	Under det strategiske grepet “Målretta kompetanseutvikling” (side 14) blir det lagt inn følgjande tekst: <i>Vi må også satse på arbeid og integrering, slik at fleire kan ta del i arbeidslivet.</i>

Innspel 2	Statsforvaltaren i Vestland
Hovudtrekk i innspel	Statsforvaltaren meiner næringsplanen inkluderer landbruk og tilknytt næringar på ein særskild god og effektiv måte. Kompetanse og rekruttering i landbruket er ikkje særskilt nemnt. Planen kunne med fordel problematisert total arealbruk og nedbygging av natur og jordbruksareal. Nærturistmarknaden og biosfærestatus burde vore kopla. Vi bør i større grad utnytte potensiale som ligg i den store Bergensmarknaden. Det er fint at landbruk er eit langsiktig satsingsområde, og Alver er ein føregangskommune når det gjeld forbetring av jordbruksareal. Statsforvaltaren finn Alver kommune si inkludering av landbruksinteressene i næringsplanen som eit døme til etterfølging.
Kommunedirektøren si vurdering	Statsforvaltaren har fokus på landbruk, biosfære og berekraftig arealbruk. Vurdering av arealbruk vil i stor grad skje gjennom kommuneplanen sin arealdel, der det vil vere stort fokus på landbruk og arealrekneskap. Biosfærestatusen er gjennomgåande i heile næringsplanen, frå strategisk nivå til tiltak i handlingsplanen. Kommunedirektøren meiner det som allereie ligg i næringsplanen om biosfære er dekkande for vidare arbeid med kopling mellom næring og biosfærestatus. Innsatsområdet “Velkomen til attraktive Alver” handlar i stor grad om tiltrekke seg arbeidskraft, nye innbyggjarar og tilreisande frå den store Bergensmarknaden. Kommunedirektøren set elles pris på dei positive tilbakemeldingane som Statsforvaltaren har til planen.
Framlegg til endring	Ingen framlegg til endring

Innspel 3	Meland Golfklubb og Meland Golf og Naturpark
Hovudtrekk i innspel	Meland Golf, Stiftelsen Meland golf og grunneigar ønskjer å bidra til at Alver kommune når sin visjon. Tilbodet dei har vil garantert vere med på å gjere Alver kommune meir attraktivt. Dei er opptatt av at kommunen legg aktivt til rette for samarbeid mellom næringsliv, off. sektor og frivillige lag og organisasjonar. Med den aktiviteten Meland Golf har, bør det vurderast som eit “fyrtårn” i marknadsføringa av kommunen. Det er store planar om å utvikle området, både med utbygging og tilbod og aktivitetar.
Kommunedirektøren si vurdering	Alver kommune har tett dialog med grunneigar og Meland Golf. Det er mellom anna planlagt ein reguleringsplan for området. Dette området har eit stort utviklingspotensiale, både regionalt, nasjonalt og internasjonalt. Og Meland Golf har eit potensiale til å bli eit “fyrtårn” i regionen, både kommersielt og som eit reisemål. Det er Meland Golf sjølv som må ta initiativ til utviklinga, men kommunen kan vere ein støttespelar og tilretteleggjar.
Framlegg til endring	I handlingsdelen, under pkt. 4.2.2 innsatsområde “Velkommen til Attraktive Alver!”, blir det lagt inn følgjande tiltak: <i>Alver kommune skal jobbe tett saman med Meland Golf knytt til framtidig utvikling av område og aktivitetar.</i>

Innspel 4	Lindås Bygdelag
Hovudtrekk i innspel	For å få attraktive senter og attraktive lokalsamfunn, må eksisterande kommunale bygg bli vedlikehalde. Vi må vedlikehalde det vi har før vi bygger nytt. Vil framheve Lindåstunet som eit bygg som har potensiale for reiseliv og opplevingar. Vi må kople biosfære, reiseliv, historie og historiske bygg. Lindåstunet kan fungere som eit attraktivt aktivitetshus som gjer det attraktivt å bu i og reise til området. Dette bygget har

	kvalitetar som blir etterlyst i næringsplanen.
Kommunedirektøren si vurdering	Det har lenge vore ein diskusjon om framtidig bruk av Lindåstunet. Utfordringa har vore å avklare kva kommunen kan nytte huset til, i tillegg er det store kostnader med vedlikehald og investeringar. Avklaring på framtidig bruk må takast i andre planar og prosessar, og det må prioriterast midlar til vedlikehald av bygget. Det må gjerast i økonomiplanen. Det er eit godt innspel, men vidare bruk av Lindåstunet meiner kommunedirektøren ikkje høyrer heime i næringsplanen.
Framlegg til endring	Ingen framlegg til endring

Innspel 5	ZingZang AS
Hovudtrekk i innspel	Reiseliv og kultur næring er to heilt ulike bransjar. Det manglar tydeleggjering av kva kultur næring er. Det kjem for dårleg fram kommunen sin satsing på kultur næring som eiga næring. Dei er ikkje samd at kommunen manglar “fyrtårn” og det er mange fyrtårn i kulturbransjen. Kultur næring er en viktig næring i seg sjølv, og det er stort potensiale for vekst. Kultur blir ofte sett på som frivillig arbeid, men det finns store moglegheiter for næringsaktørar. Den profesjonelle kulturbransjen er svært liten samanlikna med andre næringar. For å sikre gode rammevilkår vert det etterlyst rimelege lokale til utleige av kulturarrangement. I påvente av kulturhus blir det foreslått å ta i bruk kyrkjer, skuler og kommunale bygg for rimeleg eller gratis utleige. Det vert også foreslått å gjere Meieriet på Frekhaug meir tilgjengeleg og rimelegare for kultur næringa. Vidare vert det etterlyst stønad og midlar til privateigde kulturbygg og meir stønad til ulike samarbeidsprosjekt mellom frivillige og profesjonelt kulturliv og mellom kultur næring og anna næring, lokale kulturprosjekt, lokale arrangørar og kulturprosjekt som profilerer kommunen i resten av landet. Det vert også etterlyst meir kunnskap og kompetanse innan kultur næring.
Kommunedirektøren si vurdering	Det er riktig at kultur som næring er liten i Alver kommune samanlikna med andre næringar. Men vi er kjend med at det er aktørar innan bransjen som driv på ein god og profesjonell måte. Vi kan vere samd i at planen legg for lite vekt på å utvikle kultur som næring, og dette er eit område vi treng meir kunnskap om. Dette gjeld både kva aktørar vi har, utviklingspotensiale og rammevilkår.
Framlegg til endring	I handlingsdelen, under pkt 4.2.2 innsatsområde “Velkommen til Attraktive Alver!”, blir det lagt inn følgjande tiltak: <i>Det blir gjennomført ei eiga analyse av kultur næring i Alver. Analysa skal beskrive potensialet for denne næringa og er eit samarbeid mellom Alver kommune og aktuelle næringsaktørar.</i> Dette tiltaket bør også vere ein del av kommunedelplan for kultur.

Innspel 6	Lindås Sogelag
Hovudtrekk i innspel	Hovudbasen til eit lokalmuseum kan vera knytt til eit regionalt kulturhus i Knarvik, kor ein har ei basisutstilling og skiftande lokalhistoriske utstillingar. Det må då og tilretteleggjast for gjenstandsmagasinet.
Kommunedirektøren si vurdering	Kommunedirektøren vurderer det slik at dette er innspel som høyrer heime i andre planar.
Framlegg til endring	Ingen framlegg til endring

Innspel 7	Nordhordland Miljøpark AS
Hovudtrekk i innspel	Nordhordland Miljøpark AS vil etablere et industrikonsept i Kjevikdalen som mellom anna skal nytte søppel frå NGIR. Konseptet vil omhandle sirkulærøkonomi og grøn industri, og vil vere i tråd med biosfærestatusen. Teknikken det blir jobba med kan også utvinne hydrogen. Det vil også bidra til energiproduksjon og det er allereie god infrastruktur i området. Metoden er pyrolyse og har fordeler knytt til

	gjenbruk og kortreist sirkulæreenergi. Det er også viktig å leggje til rette for industriutvikling og arbeidsplassutvikling i område som ligg utanfor Mongstad og Knarvik.
Kommunedirektøren si vurdering	Prosjektet som Nordhordland Miljøpark AS skisserer er spennande og framtidsretta. Kommunen har hatt ein dialog med aktørane som er involvert. Alver kommune er opptatt av å leggje til rette for ulike typar industri og næring, også utanfor Mongstad og Knarvik. Kvar ny industri skal etablerast, blir avklart i kommuneplanen sin arealdel, og det er flott at Nordhordland Miljøpark AS også har spelt dette i det pågåande arbeidet med arealdelen. Kommunen kan ikkje avklare eit slikt enkeltprosjekt av denne typen gjennom næringsplanen, men vi kan vere med å leggje til rette for industrietableringar i dei områda som er regulert til det. I Kjevikdalen er det allereie sett av areal til næring i nærleiken av NGIR.
Framlegg til endring	Ingen framlegg til endring

Innspel 8	Nordhordland Næringslag
Hovudtrekk i innspel	Rolle, arbeidsfordeling og ressursutnytting mellom næringsressursar i Alver og i Regionrådet må vektleggjast tydelegare i planen. Det same gjeld for koordinering med felles utnytting av ressursane i Nordhordland Biosfære. Det blir anbefalt at utfordringar med tilgang til investorkapital tonast ned i planen og at det fjernast heilt som strategisk grep. Næringslaget ber også om at kommunen styrke kapasiteten på innkjøp, for å sikre oppfølging av innkjøpsstrategi med særleg fokus på lokal næringsliv og for å ta ut potensiale for innsparing.
Kommunedirektøren si vurdering	Rolle og arbeidsdeling mellom Alver kommune og Region Nordhordland er diskutert både i Scenarioanalysen og i arbeidet med regional næringsstrategi. Det er viktig at aktørane held fram denne diskusjonen, slik at regionen får best mogleg utnytting av ressursane. Utfordringar knytt til investorkapital blei løfta tydeleg fram i høyringsutkastet, og det blei lagt inn som eit femte strategisk grep som går på tvers av satsingsområda i strategidelen. Nordhordland Næringslag meiner at dette punktet bør tonast ned i planen, og Industriutvikling Vest kjem med innspel seinare der dei er usikre på kommunen si rolle knytt til dette tema. For å kunne følgje opp innkjøpsstrategien på ein god måte, vil det vere behov for auka kapasitet på innkjøpsområdet. Dette må bli vurdert i samband med økonomiplanprosessen.
Framlegg til endring	To endringar: I utfordringsbeskriving under pkt. 2.4 blir følgjande setning tatt bort: <i>Tilgang på investorkapital er eit svakt punkt i regionen i dag</i> Under punkt 3.2 strategiske grep (side 13 og 14): "Tilgang til investorkapital" blir tatt ut av planen som strategisk grep.

Innspel 9	Industriutvikling Vest (IUV)
Hovudtrekk i innspel	Alver kommune bør ha meir fokus på kultur som næring, korleis kan vi bruke korpsmiljø og prestasjonskulturen til å auke attraktivitet. Kommunen bør klargjere si rolle som innkjøpar og kunde for lokalt næringsliv. Industriutvikling Vest er involvert i prosessar for å utvikle Fensfjordbassenget, dette kan vere ein del av tiltaket om ein Fensfjordstrategi. IUV meiner også at planen må tydeleggjere kopling mellom biosfære og industri, og dei spør om eksport bør få meir plass i planen. Når det gjeld kapitaltilgang, er IUV usikre på kommunen si rolle. Det viktigaste tiltaket for auka kapitaltilgang er høgare inntening blant lokale verksemdar.
Kommunedirektøren si	For å sjekke ut potensialet til kulturnæring er det foreslått å utarbeide ei

vurdering	analyse, slik det kjem fram tidlegare i saka. Innkjøpsstrategien legg vekt på at kommunen skal kjøpe lokalt der det er mogleg, men då vil det vere behov for fleire ressursar på innkjøpsområdet i kommunen. Kommunedirektøren ser behovet for å samarbeid tettare med IUV rundt Fensfjordbassenget, det er her regionen har størst fortrinn til vidare industriell utvikling. Det er uklart kva næringsplanen skal løfte fram når det gjeld eksport, dette bør vere eit tema for samarbeid mellom IUV og kommunen der det er behov. Tema kan til dømes omtalast i samarbeidsavtalen med IUV.
Framlegg til endring	Tre endringar: Handlingsplan under innsatsområde “Framtidsretta industri”, pkt. 4.2.1, blir det lagt inn ein kommentar om at Industriutvikling Vest og Klar bedrift bør vere samarbeidspartar i arbeidet med ein Fensfjordstrategi. Handlingsplan under innsatsområde “Velkommen til attraktive Alver!”, pkt. 4.2.2: Det blir lagt tilleggstekst i tiltaket om innkjøpsstrategi: <i>I samband med økonomiplanprosessen må kommunen vurdere kapasitet på innkjøpsområdet, slik at kommunen kan følgje opp måla og strategiane rundt samarbeid med lokalt næringsliv.</i> I handlingsplanen, pkt. 4.2.1, legg vi inn eit nytt tiltak/aktivitet: <i>Alver kommune skal ha tett dialog med IUV om potensialet for utvikling av næring knytt til eksport.</i>

Innspel 10	Invest in Bergen
Hovudtrekk i innspel	Det er viktig å sikre areal og infrastruktur til framtidig industriutvikling på Mongstad og i regionen. Det er særleg viktig å detaljregulere ledig areal på Mongstad og sikre grunnleggjande innsatsfaktorar som areal, vatn og kraft.
Kommunedirektøren si vurdering	Arealplanlegging og klargjering av næringsareal og infrastruktur er ein sentral del av næringsplanen, i tillegg til at næringsareal er eit sentral tema i kommuneplanen sin arealdel. Invest in Bergen er ein viktig samarbeidspartnar for å sikre den grunnleggjande infrastrukturen. Kommunen jobbar gjennom fleire andre planar og strategiar for å sikre areal og infrastruktur, og det er stort fokus på å sikre tilstrekkeleg kapasitet for utviklinga dei neste 30 – 50 åra.
Framlegg til endring	Ingen framlegg til endring

Innspel 11	Visit Bergen
Hovudtrekk i innspel	Visit Bergen har starta prosessen med å sertifisere alle medlemskommunar i regionen til å bli berekraftige og klimavenlege reisemål, inkludert Alver kommune. Ein føresetnad for å oppnå ei slik sertifisering, er at kommunen er aktivt tilslutta prosessen saman med destinasjonselskapet.
Kommunedirektøren si vurdering	Alver kommune har sagt opp avtalen med Visit Bergen frå 2024, men ønskjer likevel å leggje til rette for utvikling av ei berekraftig reiselivsnæring for tilreisande/vitjande og for herbuande. Eit tiltak i handlingsdelen for 2023/2024 vil vere å teste ut potensial og satsingsvilje i marknaden gjennom kartlegging og dialog med aktørar, tilbod om kurs og andre aktivitetar i samarbeid med Visit Bergen og andre samarbeidspartnarar i regionen.
Framlegg til endring	I handlingsdelen, under pkt. 4.2.2 innsatsområde “Velkommen til Attraktive Alver!”, blir det lagt inn følgjande tiltak: <i>Det vil bli gjennomført ei kartlegging og analyse av potensial og satsingsvilje for utvikling av eit berekraftig reiseliv i Alver. Analysa er eit samarbeid mellom Alver kommune, Visit Bergen og andre samarbeidspartnarar i regionen.</i>

Innspel 12	Austrheim og Lindås bondelag
Hovudtrekk i innspel	Planen er veldig vridd mot Mongstad, og dei stiller spørsmål til kven som har gjeve innspel frå landbruket si side. Landbruket burde fått meir fokus på grunn av ringverknadane det skapar, eks for dyrlegar og entreprenørar. Landbruket kan vere ei del av løysinga til det grønne skiftet. Einig med utfordringar knytt til klima og storleik på bruka. Saknar tiltak knytt til klima. Det vil også vere stor utfordringar knytt til mjølkeproduksjon, som er berebjelken i norsk landbruk. Dei ser lite konkrete tiltak i planen som omfattar landbruket. Landbruket kan også vere ein støttespelar i forhold til biosfæreområdet.
Kommunedirektøren si vurdering	I prosessen med næringsplanen har kommunen hatt dialog med Landbruksfagrådet, som representerer alle enkeltlaga i kommunen. Det kan hende at ein skulle hatt direkte kontakt med kvart enkelt bondelag for å få eit betre bilete av utfordringane. Sjølv om Alver er ein stor landbrukskommune, kan det vere utfordrande å prioritere relevante tiltak som høyrer heime i ein strategisk næringsplan. Mange av innspela som er kome inn frå bondelaget, vil truleg høyre meir heime i ein landbruksplan. Alver kommune har planlagt å utarbeide ein eigen landbruksplan i løpet av 2023/2024.
Framlegg til endring	I samråd med landbrukskontoret er det føreslått å justere tiltaket i handlingsplanen under pkt. 4.2.3 innsatsområde "Rett kompetanse til morgondagens næringsliv". I staden for å kalle det eit ambassadørnettverk, blir det endra til eit nettverk for nye bønder. Fokus i nettverket skal til dømes vere møteplassar, kompetanseutvikling, digital utvikling etc.

Innspel 13	Radøy bondelag
Hovudtrekk i innspel	Deler av innspelet frå Radøy bondelag er det same som i Austrheim og Lindås bondelag. Radøy bondelag legg også vekt på at det er viktig å sikre gode vegar og infrastruktur til skogsdrift. I tillegg er det viktig å ha tiltak for ulike klimatilskott, til dømes grøfting. Det bør også gjerast arbeid på å avdekke kva tiltak ein kan gjere i kommunen for å sikre at flest mogleg av dagens mjølkeprodusentar kan fortsette sin produksjon.
Kommunedirektøren si vurdering	Viser til vurdering som er gjort frå innspelet frå Austrheim og Lindås bondelag. Ettersom Alver er ein stor skogbrukskommune, bør ein sjå på dei utfordringane som er skissert i forhold til vegar og infrastruktur. Det er blir derfor føreslått gjennomføre eit kartleggingsarbeid for å beskrive utfordringane i skogbruket. Dette bør vere eit samarbeid mellom kommunen og næringa. Når det gjeld mjølkeproduksjon er det krav om lausdrift frå 2034. Dette krev store investeringar og det er fare for at mange vil slutte med produksjonen. Dette tema bør vere sentralt i ein landbruksplan.
Framlegg til endring	Under pkt. 4.2.1, innsatsområde "Framtidsretta industri", blir det lagt inn eit tiltak med følgjande tekst: <i>Gjennomføre ei kartlegging for å avklare utfordringane i skogbruksnæringa i Alver. Dette skal vere eit samarbeid mellom næringa og kommunen.</i>

Innspel 14	Stab helse og omsorg, Alver kommune
Hovudtrekk i innspel	Ber om at ein vurderer om strategiar/tiltak innan helsenæring er tilstrekkeleg ivaretatt.
Kommunedirektøren si vurdering	I strategidelen ligg det inne ein strategi som omhandlar nye næringar: <i>Vi skal bidra til utvikling av nye næringar på område der kommunen og regionen har eit fortrinn, til dømes med Mongstad og Region</i>

	<i>Nordhordland Helsehus</i> Dette betyr at vi skal jobbe med dette tema på lang sikt, men det er ikkje lagt inn konkrete tiltak i handlingsplanen for 2023 og 2024. Utvikling av nye kommersielle produkt og tenester som rettar seg mot helsesektoren kan likevel skje, sjølv om det ikkje ligg i næringsplanen. Vi har også regionale utviklingsverktøy, som Industriutvikling Vest, som kan bidra til å utvikle aktuelle aktørar.
Framlegg til endring	Ingen framlegg til endring

Innspel 15	Tenesteområde kultur, Alver kommune
Hovudtrekk i innspel	Ser at friluftsperspektivet kan kome sterkare fram, særleg knytt til attraktivitet. Kulturområdet har forvaltningsansvaret for dette området og kan jobbe konkret med attraktiviteten saman med andre aktørar. Friluftsområdet er også ei næring i seg sjølv som kan bidra direkte til auka attraktivitet. Næringsplanen kan gjerne ha ei breiare tilnærming til å sikre eit betre kulturtilbod og grunnlag for kulturnæringar. Nordhordland skårar svært lågt på tilgjengeleg kulturtilbod generelt. Ein del av desse løysingane er knytt til behov for samarbeid mellom offentleg, næring og frivilligheit. Dette kan vere relativt ukjend landskap for aktørar i alle leire.
Kommunedirektøren si vurdering	Friluftsperspektivet og attraktivitet har vore diskutert i arbeidet med næringsplanen, i tillegg er det jobba med ulike planar som omhandlar tema. Mellom anna i kulturplanen og planen Friluftslivets ferdselsårer. For å jobbe målretta med dette området bør ein etablere arenaer der næringsliv, frivilligheit og offentleg sektor møtast og jobbar saman. Når det gjeld styrking av kultur som næring og sikre eit mangfald av kulturtilbod, blir det vist til framlegget tiltaket under innspelet til ZingZang AS (Innspel 5)
Framlegg til endring	Under pkt. 4.2.2 innsatsområdet “Velkomen til attraktive Alver!”, blir det lagt inn eit nytt tiltak med følgjande tekst: <i>Det blir etablert ein samarbeidsarena mellom næring og kultur i Alver, frivillige aktørar og relevant næringsliv, for å diskutere samarbeid om ulike attraktivitetstiltak, eks innan friluftsliv.</i>

Oppsummering - kommunedirektøren sine framlegg til endringar

Kommunedirektøren sine framlegg til endringar av næringsplanprogrammet etter høyring og innspel oppsummerast slik:

Vestland fylkeskommune

Under det strategiske grepet “Målretta kompetanseutvikling” (side 14) blir det lagt inn følgjande tekst: *Vi må også satse på arbeid og integrering, slik at fleire kan ta del i arbeidslivet.*

Meland Golfklubb og Meland Golf og Naturpark

I handlingsdelen, under pkt. 4.2.2 innsatsområde “Velkommen til Attraktive Alver!”, blir det lagt inn følgjande tiltak: *Alver kommune skal jobbe tett saman med Meland Golf knytt til framtidig utvikling av område og aktivitetar.*

ZingZang AS

I handlingsdelen, under pkt. 4.2.2 innsatsområde “Velkommen til Attraktive Alver!”, blir det lagt inn følgjande tiltak: *Det blir gjennomført ei eiga analyse av kulturnæring i Alver. Analysa skal beskrive potensialet for denne næringa og er eit samarbeid mellom Alver kommune og aktuelle næringsaktørar.* Dette tiltaket bør også vere ein del av kommunedelplan for kultur.

Nordhordland Næringslag

To endringar:

- I utfordringsbeskriving under pkt. 2.4 blir følgjande setning tatt bort: *Tilgang på investorkapital er eit svakt punkt i regionen i dag.*
- Under punkt 3.2 strategiske grep (side 13 og 14): "Tilgang til investorkapital" blir tatt ut av planen som strategisk grep.

Industriutvikling Vest (IUV)

Tre endringar:

- Handlingsplan under innsatsområde "Framtidsretta industri", pkt. 4.2.1, blir det lagt inn ein kommentar om at Industriutvikling Vest og Klar bedrift bør vere samarbeidspartar i arbeidet med ein Fensfjordstrategi.
- Handlingsplan under innsatsområde "Velkommen til attraktive Alver!", pkt. 4.3.2: Det blir lagt inn tilleggstekst i tiltaket om innkjøpsstrategi: *I samband med økonomiplanprosessen må kommunen vurdere kapasitet på innkjøpsområdet, slik at kommunen kan følgje opp måla og strategiane rundt samarbeid med lokalt næringsliv.*
- *I handlingsplanen, pkt 4.2.1, legg vi inn eit nytt tiltak/aktivitet. Alver kommune skal ha tett dialog med IUV om potensialet for utvikling av næring knytt til eksport.*

Visit Bergen

I handlingsdelen, under innsatsområde "Velkommen til Attraktive Alver!", blir det lagt inn følgjande tiltak: *Det vil bli gjennomført ei kartlegging og analyse av potensial og satsingsvilje for utvikling av eit berekraftig reiseliv i Alver. Oppgåvene vil bli gjort i samarbeid med Alver kommune, Visit Bergen og andre samarbeidspartnarar i regionen.*

Austrheim og Lindås bondelag

I samråd med landbrukskontoret er det føreslått å justere tiltaket i handlingsplanen under pkt. 4.2.3, Rett kompetanse til morgondagens næringsliv. I staden for å kalle det eit ambassadørnettverk, blir det endra til eit nettverk for nye bønder. Fokus i nettverket skal til dømes vere møteplassar, kompetanseutvikling, digital utvikling etc.

Radøy bondelag

Under pkt. 4.2.1, Framtidsretta industri, blir det lagt inn eit tiltak med følgjande tekst: *Gjennomføre ei kartlegging for å avklare utfordringane i skogbruksnæringa i Alver. Dette skal vere eit samarbeid mellom næringa og kommunen.*

Tenesteområde kultur, Alver kommune

Under pkt. 4.2.2, Velkomen til attraktive Alver!, blir det lagt inn eit nytt tiltak med følgjande tekst: *Det blir etablert ein samarbeidsarena mellom næring og kultur i Alver, frivillige aktørar og relevant næringsliv, for å diskutere samarbeid om ulike attraktivitetstiltak, eks innan friluftsliv.*

Vedlegg - Innsende innspel

Vedlegg i saken:

04.05.2023	Strategisk næringsplan innstilling frå næringsutvikling og drift (002)	1922210
04.05.2023	Strategisk næringsplan innstilling frå næringsutvikling og drift (002)	1922210
04.05.2023	Temaplan Strategisk Næringsplan høyringsutkast	1922212
04.05.2023	Temaplan Strategisk Næringsplan høyringsutkast	1922212
19.04.2023	Høyringsuttale - Alver kommune, Kultur	1913610
02.02.2023	Høyringsuttale - Invest in Bergen	1875585
14.02.2023	Høyringsuttale - Industriutvikling Vest AS	1880943
14.02.2023	Høyringsuttale - Vestland fylkeskommune	1881019

13.02.2023	Høyringsuttale - Nordhordland Næringslag	1880538
19.02.2023	Høringsuttalelse - Austrheim og Lindås bondelag	1883604
20.02.2023	Høyringsuttale - Meland Golfklubb og Meland Golf og Naturpark	1883929
20.02.2023	Høyringsuttale - Nordhordland Miljøpark AS	1883962
20.02.2023	Høyringsuttale - ZingZang AS	1884016
21.02.2023	Høyringsuttale - Radøy bondelag	1884425
20.02.2023	Høyringsuttale - Lindås sogelag	1884264
21.02.2023	Høyringsuttale - Statsforvaltaren i Vestland	1884679
21.02.2023	Høringsinnspill - Visit Bergen - Strategisk næringsplan Alver kommune 2023-2035	1884543
20.02.2023	Høyringsuttale - Lindås bygdelag	1883957
02.01.2023	Høyringsuttale - Alver kommune, Helse og omsorg	1859054